


INFO@HEPA

# HARVEST EXTRAVAGANZA - TANDA KESYUKURAN PESTA PONGGAL 2008



Majlis Perwakilan Pelajar UniMAP dengan kerjasama Pemuda MIC Perlis sekali menganjurkan Majlis Ponggal Gala Nite UniMAP 2008 yang diadakan di Dewan Kapitol pada 22 Mac 2008.

Majlis yang bertemakan Harvest Extravaganza – Cultural Symbolism itu, telah dihadiri seramai 600 tetamu dari Universiti Utara Malaysia (UUM), Politeknik Tunku Syed Sirajuddin (PTSS), Sekolah Jenis Kebangsaan Tamil Kangar (SJK(T)) dan UniMAP sendiri. Turut hadir dalam majlis itu ialah Pengerusi MIC Perlis En S. Vengadasamy, Pengerusi Pemuda MIC Perlis, Dr. Hari Ram Ramayya dan Ketua-ketua Jabatan UniMAP. Pesta ini diraikan sempena musim menuai bagi menandakan kesyukuran terhadap hasil yang diterima.

Naib Canselor UniMAP, Kol.Prof. Dato' yang merasmikan majlis tersebut menyifatkan sambutan Ponggal merupakan satu platform dalam memupuk dan menyatukan warga UniMAP dan masyarakat sekitar Perlis dalam membentuk satu identiti kebudayaan yang terbilang tanpa mengira kaum disamping dapat juga mendidik jiwa setiap insan mengenali sejarahnya. "Secara keseluruhannya Ponggal Gala Nite ini membuka sejarah baru dalam mewarisi kebudayaan bangsa Malaysia dalam memupuk perpaduan tanpa mengenal jati diri seseorang", tambahnya.